



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divi Bambergenses S. Henricvs Imperator S. Kvnegvndis
Imperatrix S. Otho Episcopvs**

Gretser, Jacob

Ingolstadii, 1611

XXVII. De structuris in monte S. Michaëlis, & Capellis per eundem factis.

urn:nbn:de:hbz:466:1-41527

ciense Capitulum, quod modò maximum est, à paucis cœpit. Sed ea, quæ restant, his omisis, edicam.

*De readificatione Cathedralis Ecclesiæ
post incendium.*

CAPVT XXVI.

*Thimon.
Vide & istam e-
dit. à Cam. lib.
I. cap. 15.
* Ruperto.*

*Quid S. Otho
prestiterit in
restituenda Ec-
clesiâ Cathed-
rali Bamberg.*

IN diebus ipsius semper honorandæ memoriæ Ottonis Cathedralis Ecclesiæ monasteriū, quod sub * antecessore suo, Deo permittente, vsque ad solos muros superstitis, conflagratum erat incendio, multis sumptibus ab eo, ad pristini decoris nobilitatem reparatum est. Ipse pauimentum strauit; columnas Ecclesiæ, quas ignis afflauerat, opere gipseo & firmavit & ornauit. Chorum S. Georgij exaltauit; picturas quoque non ignobiliores prioribus effecit: & ne ultra similes formidare debeat euentus, totum monasterium & turres cupreis tabulis contexit. Sphæras quoque & cruces turtium deaurauit; omnia denique ædificia claustrī per officinas singulas renouare, & in meliorem statum promouere curauit. Quantum verò eidem Ecclesiæ bonorum & prædiorum, præter ea, quæ à fundatoris liberalitate pridem habuerat, sua benignitate ipse super addiderit, latior & lautior multò quàm fuit, testis est mensa Canonicorum.

*De structuris in monte S. Michaëlis &
Capellis per Ottonem factis.*

CAPVT XXVII.

*Ebbo.
Opera S. Otho-
nis in monte S.
Michaëlis.*

T autem ad nostra veniamus, idem Deo deuotus Pontifex Babebergenis monasterium S. Michaëlis cum eiusdem Ecclesiæ ædificiis, nec non & basilicam sanctæ MARIÆ, & Capellam B. Bartholomæi

lomæi cum magna domo eidem adhærente, à fundamentis ampliori statu reedificauit. Capellam quoque super portam in honore S. Osvaldi Regis & Martyris fecit. Sed & diuerforium & muri ambitum cum vniuersis officinis construxit.

Idem vir beatus fontē in medio clauſtri fieri iuſſit; itemque venam aquæ viuz de vicino monte in clauſtrum plumbeis fiſtulis copioſo ſumptu duci fecit. Pleraque eidem loco ornamenta contulit; inter quæ duas argenteas ſcutellas ad ſuſcipiendas oblationes: auriphygium quoque & caſulam precioſam; crucem quoque auro gemmiſque nobiliter fabricatam, recondito in ea ſalutari ligno ſanctorumque reliquiis, ipſe ſacrauit, crucemque Saluatoris appellari ſtatuit, & banni *Cruce Saluatoris.* ſui interpoſitione, ne ab ipſo monaſterio pro aliqua vnquam neceſſitate auferretur indicens, beato Michaëli Archangelo eam deuotiſſimè obtulit.

Hunc locum ille Deo plenus fideliffimo ſemper amore dilexit; hunc reſtaurauit; hunc ditauit; huius gloriam quæſiuit; huic bona tribuit; hunc ſublimauit; hunc coluit; huius profectum ſemper amauit; & in ipſo, coram altari eiufdem Archangeli, cuius ſpecialis miniſter erat, ſe ſepeliri decreuit.

Amor S. Othonis in Montem D. Michaelis.

Eidem monaſterio quoque in vſum fratrum dedit octo prædia quingentis argenti libris comparata: quæ hîc ob notitiam eorum ſigillatim annotare, friuolum duximus. Præterea Eccleſiam iuxta Albuch hæreditario ſibi iure propriam eidem monaſterio cum duabus Eccleſiis aliis donauit, ob memoriam videlicet ſui parentumque ſuorum inibi corpore quiſcentium.

Liberalitas eius in Monasterium S. Michaelis.

Adhuc autem dilectiffimum ſibi locum amplificare deſiderans ſub monte S. Michaëlis Capellam S. Aegidij cum hoſpitali domo pauperum & peregrinorum receptionibus aptâ conſtruxit. Totus enim miſericordiæ viſceribus affluebat; totus elemoſynæ & compaſſionis affectu ſic ardebat; vt iure cum B. Iob dicere poſſet; *Ab initio creuit mecum miſeratio, & de ventre matris meæ egreſſa eſt mecum. Flebam ſuper eum, qui afflictuſ erat, & compatiēbatur anima mea pauperi.* Nouerat quippe, & aſſi-

Capella S. Aegidij.

de Iob. 31.

Ibid. 30.

duè

S. Greg.

duè recolebat illam B. Gregorij sententiam : qui *compassionem non habet, vacuum Episcopi nomen tenet*. Vir eius namque sanctæ charitatis omnibus quidem fidelibus, sed maximè Christi congruit Sacerdotibus, qui & specialius ad hanc exsequendam in ipso sacratissimo suæ ordinationis mysterio commonentur. Cùm enim sacerdos consecratur oleo, per quod charitas intelligitur, manus eius liniuntur, oleum quæ manibus eius infunditur, vt per hoc vberiora misericordiæ & pietatis opera sibi facienda nouerit. Sed & cum veste sacrata ornatur & amicitur, ei consecrator dicit ; accipe vestem sacerdotalem, per quam charitas intelligitur ; vt ea se totum quasi tunica talari circumdatum & splendidissimè ornatum esse debere meminerit. Quam pius Otto singulari decore vestitus, vsque quaque eam propagare & felicissimis declarare satagebat operibus.

De hospitali domo & Ecclesia S. Ægidij in pedemontis fundata.

CAPVT XXVIII.

Ebb.

Collis mendacij.

Reram bulans itaq; suburbana in circuitu, aptumque locum perlustrans ad *Hospitale* construendum, venit ad collem sub monte S. Michaëlis positum, qui vulgò *Eugenbuhel*, id est, *mendacij collis*, vocabatur, duabus ex causis, siue eò, quòd non naturali terræ situ, sed potius de fundamētis murorum ciuitatis illis aggesta humus in altum excreuerat ; siue pro eo, quòd crebra inibi conuenticula stultorum mendacis & vanitatibus plena agebantur. Hoc ergò spiritualis hic pater in melius commutare desiderans, qui ad hoc se constitutum nouerat, vt praua exstirparet, & bona quæque insereret ; collem ipsum complanari, & Ecclesiam illic B. Ægidij iussit ædificari. Domicilia quoque pauperibus & peregrinis opportuna construi : vt vbi antea seruitus inimici pullulabat, ibi deinceps diuino cultu, & elemosynis pauperum, lucra animarum succrescerent.

Eo